



Tir Yimiyim

www.tiryimiyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimiyim@gmail.com

TAPAK 3

Yangia anidakangma :



Tir Yimiyim



tiryimiyim@aolima



tir yimiyim

TAPAK 7

ED-i Lalu aser par jabaso anema chargesheet talila benok

Kamala Harris-i Democratic nomination ngutetogo



VOL. XXI ISSUE NO. 295 (ADOK 295) DIMAPUR SANGTENNÜ (WEDNESDAY) LUROI (AUGUST) 07, 2024 ₹ 5.00

Dept. of I&C aser ONDC tsüingda MoU nung sign sütep

Dimapur, August 6, 2024 (TYO): August 6, 2024 nü Department of Industries & Commerce aser Open Network for Digital Commerce (ONDC) tsüingda Memorandum of Understanding (MoU) ka nung sign sütepo.

Open Network for Digital Commerce (ONDC) ya Ministry of Commerce & Industry kübok Department for Promotion of Industry & Internal Trade (DPIT) ajanga tenzükba mapa ka lir.

Nagaland nung ONDC maparen inyaksü atema Nodal Department ji Department of Industries & Commerce lir. Tanü MoU nung sign sütepa ajanga shishilembar tilatem, aluyimertem, teka mapa

inyakertem aser entrepreneurs-i ONDC sabang ajanga digital sales asütsü atema lir.

Iba mapa tuluba inyaka aotsü atema Nagaland sorkari Ilandlo Services Private Limited (The Nagaland Based E-commerce Brand) nem Nodal Agency inyaksü mapa lezmüksüo.

Tanü sentong nung Chief Business Officer, Delhi, Shireesh Joshi aser Industries & Commerce, Director P. Tokugha Sema nati MoU nung sign sütep.

Iba sentong nung Additional Director, Industries & Commerce, Er. Y. Lipongse Thongtsar, ONDC NE states in-charge Pooja Bajaj Bagaria, Adbble Solutions Pvt, Ltd, Yaikhomba, Ilandlo Pvt. Ltd, Imtisunep aser ketdangsürtem aden.

Kohima public rally nung nisung meyrjang aika aden



Angami Youth Organization (AYO)-i August 6, 2024 nü Old MLA Hostel Junction, Kohima nung public rally ayonga agidang agiba noksa ka angur.

Kohima, August 6, 2024 (TYO): Naga National Political Groups (NNPGs) ajanga nübertem dang nungi tashiyim agi sen saruba aser timtem agütsüba anema tanü Kohima public rally nung nisung meyrjang aikati shilem agiogo.

Angami Youth Organization (AYO)-i Mongulbnarnü iba sentong ayongzükka agiogo. NSCN/GPRN (Khango)-i local contractor aser M/s KKB Rülho kibur K Rülho nem tasüba temerenshi agütsüba anema AYO-i Khango telok den amalitep malitsü lemet.

Tanü sentong agiba sülen AYO-i India sorkar dangi memorandum ka yokba nung ceasefire ground rules akangkanga benshitsu aser telungpurtemi agreed ground rules sülen anidaksüsa mapa inyaksü ayongzükogo.

GPRN/NSCN Khango-i metetsümonga ceasefire rules alema inyakogo aser ibaji tasüba temerenshi agütsüba aser yimjak nung nübertem amokmerenba lir. Iba ya ceasefire rules alema dang masü saka meimchir temeten alema inyakba mapa ka lir ta AYO-isa memorandum nung shia lir.

Telungpur teloktemi tenla agütsüba tenüng amer nisungtem amokmerenba aser tashiyim agi sen meshiba sorkari anendaksütsüla. Telungpurtemi pei pei designated camps nung dang lidaksütsüla aser civilian tesemtem nung prangpong amer senzüba noktangtsüla ta AYO-isa ashi.

India sorkari Indo-Naga khuret tekaraba nung angatettepnüra Naga telungpur teloktem razüka aoba ajak magizüksüla ta AYO-isa shiogo.

AYO-isa Nagaland state sorkar dang pei sensotem kümzükka ayutsü aser ozüng alema inyaksangshidang sorkar tashi amshitsü takhangba agütsüo.

GPRN/NSCN Khango-i tasüba temerenshi agüja aliba den AYO kübok contractors (Angami Contractors) dang maparen anentsü tetuyuba agütsüba meyipa magira Ceasefire Monitoring Group-i iba telok dak tapet mapa inyaksüla ta AYO-isa takhangba agütsüo.

NNPGs kari dangi ceasefire ground rules alema inyakba manenra Ceasefire Monitoring Group-i iba telok denji ceasefire agentsüla. Maneni, ozüng alema inyakba telungpurtem National Security Act of 1980 kübok merenshitsu ta AYO-isa takhangba agütsüo.

Amit Shah-i Jaishankar & Ajit Doval na den ajurutep

New Delhi, August 6, 2024 (Agencies): Union Home Minister Amit Shah-i Mongulbnarnü Foreign Minister S Jaishankar aser National Security Advisor Ajit Doval na den Bangladesh atema senden menogo.

Yashi Sheikh Hasina-i Bangladesh Prime Minister menden yutsüba aser Delhi-i aruba sülen arrtsülen security akangshio.

Ketdangsürtemi Indo-Bangla arrtsülen ozüng alema arurtem mita repranger saka ano Bangladesh nung aliba India nung aser Muslim nung teimba ser aliba linük nung nübo agi tangar memenepertem atema tebilemstü lir.

"Bangladesh nung India nung 19,000 shi ka lir aser parnok rongnung kaketshir 9,000 shi dena lir. High Commission-i ashiba nung ajemdaker kaketshir teimbaka July ita linüki aruogo" ta tanü Foreign Minister Jaishankar-i Lok Sabha nung ashi.

Foreign Ministry-i Bangladesh

nung Indian diplomatic missions ajanga India nung den osangtsüsang agitepa arudar ta pai ashi.

"Telok balalai India nung kümzükka ayutsü atema mapa inyakba angashir. Onoki iba mapa pelashishia agizüker aser law & order mesüngjem tashi parnok asoshi tebilemstü abentsü" ta Jaishankar-isa ashi.

Bangladesh nung lungkak aitertemi Prime Minister Sheikh Hasina atsüngdokba sülen Hindu tekülem kitem, kiojen aser dokantem raksatsür aser Awami League party den sendaktepa alir Hindu nung tanishir ana tepsetogo.

Hindu nung aika India arrtsüleni jena aruogo aser parnok kümzüksü atema arrtsü anasa lir ta osang angazüker.

"Linük kübok tesem balala nung Hindu aser nübo agi tangar memenepertem shisabulutsüsa inyakba mapatem inyakba osang onoki bendenogo" ta Bangladesh Hindu Buddhist Christian Unity Council lennir Kajol Debnath-i ashi.

Northeast nung 'disturbed areas' aika ajemogo

New Delhi, August 6, 2024 (Agencies): Northeast nung Armed Forces (Special Powers) Act, 1958 (AFSPA) kübok 'disturbed areas' aika ajemogo ta Minister of State for Home Affairs of India, Nityanand Rai-i ashi.

2014 sülen Northeast tesem aika nungi AFSPA agienogo ta Nityanand Rai-i Lok Sabha nung ashi.

Northeast nung security tensa tajungba kümogo. 2014 den medemdangra 2023 küm telungpur dak sendakba tatalokba 71% ajema aküm, sepaitem tepsetba 60% aser civilian tepsetba 82% ajemogo ta MoS Rai-i ashi.

Assam nung district 4 dak alaka tanüngba district ajak nungi

AFSPA agienogo. Tripura nung May 27, 2015 anogo nung AFSPA ajunga agien aser Meghalaya nung April 1, 2018 nung agien, ta paisa metetdaksü.

Arunachal Pradesh nunga tesem aika nungi Act agienogo aser tang Namsai district kübok police station area 3 den Tirap, Changlang aser Longding district tem nung dang benshir ta Rai-i ashi.

Manipur nung district 7 kübok police station 19 nung AFSPA agienogo. Nagaland nunga tesem kar nungi agienogo aser tang district 8 aser tanga district 5 kübok police station area 21 nung dang benshir, ta MoS Nityanand Rai-i Lok Sabha nung metetdaksü.

Nagaland-i Centre dang ULBs atema 'special grant' meshir

Kohima, August 6, 2024 (TYO): Centre sorkar dang Nagaland nung Urban Local Bodies (ULBs) atema 'one time special grant' meshiogo ta Chief Minister Neiphu Rio-i ashi.

Iba atema pa August 7 nü New Delhi-i oa Ministry of Housing & Urban Affairs, GoI den ajuruteptsü ta ashi.

"Tanü asen state nung ULBs aika designated office building mali lir. Iba jagi sorkar kiojen mesüra para kidang ULBs office lapoka mapa tenzüksü atema One-Time Grant meshir" ta CM Rio-i ashi.

Department of Municipal Affairs, Nagaland-i August 6 nü Kohima nung ULBs councilors asoshi orientation workshop ka ayongzükka agidang CM Rio-i iba osang metetdaksü.

"3rd State Finance Commission-ia iba kasa onük ya parnok report nung Centre mesüra state sorkar nungi ULB office building yanglutsü sen angutsü ta shia lir. Nagaland nung ULBs inyaksangshi

reprangdangra ULBs tulyemi sen bendenbaji ULB staffs itasen/taa nung agimar" ta Rio-i ashi.

"ULBs nung 'Disguised Unemployment' lir aser iba nung mapa inyaker kar mapa mali ser inyaker aser kari meinyaksü meinyaker. Iba ajanga ULBs asoshi tajangzük kecha magütsür anungji iba inyakyim anentsüla kechiyong ULBs ajanga sen bendenba parnok nem agütsür" ta paisa ashi.

"Councilor temi ULBs ya mapa nung shimokba agency ka ama mebilemstüla saka kanga junga asadanger ang nübo shimoktsüla. Nür ULB nung nübo kwi kati peritsü ta asüba jangjatsüla aser ketdangsübaren o office nung sen endokba ajemtsüla" ta CM Rio-i ayongzük.

Sorkari Kohima aser Dimapur nung tesüba nung magütsü aliba ita pungu itasen agütsüo aser iba nung Rs. 7.76 crores endokogo, ta paisa ashi.

Nagaland ya linük nung tanga Local Self Governments ama

masü kechiyong parnokbo Property Tax nungi sen angur. Ajsüaka asenoki asenok peritsüsa lenmangtem bushiteptsüla ta Rio-i ashi.

ULBs-i Market Complexes, Multi-purpose Halls, Recreational Parks, Car Parking spaces, ULB owned Hotels amala mapa inyaksüla aser item asoshi Centre aser state sorkar nungi Grant-in-aid meshia inyaksüla, ta pai ashi.

Ministry of Housing & Urban Affairs ajanga India nung talitsü tajung yimitem jengang asadanga kümshia 'Ease of Living Index' adoker ta CM Rio-i ashi.

"2018 'East of Living index' nung Kohima ya jengang 110 nung most unliveable city tanabuba lir ta shia lir. Anungji Kohima nung councilor temi iba jengang tajungba akümstüsa inyaksü ayongzük" ta Rio-isa ashi.

"Asenok atema tarutsü tayongzükba tulu lir saka asenok külemi inyakra asen yimitem melenshitetsü" ta paisa ashi.

Dimapur Police-i kaketshir atema internship sentong ayongzük



Dimapur, Luroi/August 06 (TYO): Ministry of Youth Affairs & Sports, GOI kübok Student Police Experiential Learning Program (SPELP) mapa kuma inyaka aotsü mechi Dimapur Police ajanga City Law College, Dimapur nungi kaketshir 13 atema internship program ayongzüka liasü.

Ita ka iba training agidang kaketshirtem ya Dimapur Police indang office kongsang balala - East Police Station,

Traffic Control, PI Court, Women Police Station, Cyber Cell - nung maparen balala sayu aser De-addiction Centers, Observation Homes amala semdanga liasü.

Iba sülen DCP Dimapur ajanga kaketshir nem experiential learning completion certificate agüja liasü.

UGC guidelines nung aliba ama academics nung credits angutsü atema item kuli kaket

ya tongtipang alitsü.

Student Police Experiential Learning Program (SPELP) ya engagement learning program ka lir, kong kaketshir temi shidakba 'professional activity' mesüra 'work experience' nung shilem agitsü nungdaker.

Iba sentong nükjidong ya kaketshir indang cognitive skills ulushia nüburtem indang tali angazüka police aser nüburtem tsungta tesendaktep tajungba kumdaktsütsü asoshi lir.

Wokha nung Single-Use Plastics nokdanger

Dimapur, Luroi/August 06 (TYO): Sorkar ajanga metetdaktsüba ama aser libajen wazüka ayutsü aser nüburtem temang anema alitsü mechi Wokha district kübok tesem ajunga nung Single-Use Plastic ayokba aser amshiba okshia nokdanger, ta Deputy Commissioner, Wokha, Vineet

Kumar, IAS ajanga sangdong ka nung metetdaktsü.

Microns komaka süaka Single-Use Plastica ajak, Litre ka tekübok tzü aser soft drinks atema Single-Use Plastic bottles ajak nokdanger.

Iba totuyuba nung mezüng aibelener dang senchi sen 10,000 achitsü, tanaben

aibelener dang senchi sen 20,000 achitsü aser iba sülen aibelener indang permit agientsütsü. Iba sangdong ya August 1, 2024 nungi mapa kuma inyaktsü aser tarutsü nung sangdong magütsü tashi ozüng ama amshitsü, ta Wokha DC sangdong ajangasa ashi.

Dikhu ayong nung ponger aoba nisung tasü mang ngutetogo



SDRF team ajanga August 5, 2024 nü ngutetba tasü mang par yimdaki bener aodang tangokba noksa nung angur.

Dimapur, Luroi/August 06 (TYO): Dikhu ayong nung August 2, 2024 nü tzü agi ponger aoba arishi küm 40 tain asür Purtemsü (Akhoya) tasü mang August 5, 2024 nü ngutetogo, ta Lanutemjen, Company Commandeer Home Guards, Civil Defense & State Disaster Response Force (SDRF), Mokokchung ajanga sangdong ka nung metetdaktsü.

Iba tasü mang ya kinunger nem agütsüogo, ta ashi.

H. Kiyekhe, Platoon Commander aser Hony. ASI, Rongsennungba na lenisüba kübok 15 SDRF personnel nungi kanga kera telangzüba agütsüba ajanga nisung tasü mang ya ngutet, ta sangdong ajanga ashi.

NSCN (Isak) ajanga nüburtem dang metetdaktsür

Dimapur, Luroi/August 06 (TYO): Asen sorkar tenüng amer Ao region kübok saru mesüra temulunger tenla bendenba nisung shinga nema magütsütsü Mokokchung nung nüburtem aser shishilembartem dang metetdaktsür, ta NSCN/GPRN (Isak) ajanga sangdong ka nung ashi.

Kija mesüra shishilembar

shirnokisa iba amala nisungtem nem teyari agütsüdir, pei khuret asütsü, kechiaser senotsü sarusaji ajak Maj. Rokermangyang Yaden (Ao Region Commander) ajanga dang inyaktsü, kechiaser region nung iba mapa ketdangtsütsü pa nem nunglokja lir, ta sangdong ajanga ashi.

Children School Mokokchung nung Literary Day mungogo



Aongza Ki, Mokokchung nung August 6, 2024 nü Children School, Mokokchung indang Literary Day sentong nung takok angur temi sempet agizükba noksa nung angur.

Dimapur, Luroi/August 06 (TYO): Mokokchung district kübok school tejentem rongnung ka ta züngshiba Children School ajanga August 6, 2024 nü "Excelsior" omen nung ajemdaker Literary Day munga liasü.

Iba sentong ya Aongza Ki (Aongza Ward Council building) nung agia liasü, kong Nursery nungi Class X tashi kaketshir ajungai shilem balala agia liasü.

Iba sentong nung tsürabor tem dena pei tanur temi shilem tajung agiba repranga liasü.

School indang Headmistress Toshimenla-i tarur pela agizükba o jembidang tanurtem dang

'nenok ola tongtipang aser nenok otsü ashitsü langa lir' ta ashi.

Ghonda pezü jungnüa agiba sentong nung kaketshir temi shilem balala agia liasü, aser item rongnung Class X nungi Ameer aser Rongsentula nati jembiba Prepared Speech ya tajungtiba ta sangdonga liasü.

Kasaji Spelling Bee tetoktepbä (Ao vocabulary) nung Class 7 nungi Imnasenla aser Talisen nati takok angu.

Iba sentong ya Imtisenla lenisüba kübok agi, kong Imtijungla ajanga Tsüngrem temoatsü jazüka sarasadem aser Convenor, Literary Committee, Pursenla-i melepzüng o jembia liasü.

Kohima nung Routine Immunization indang training agütsü

Dimapur, Luroi/August 06 (TYO): Routine Immunization Micro Plan and Health System Strengthening indang anogo ka distric level training sentong Chief Medicak Officer, Kohima indang Conference Hall nung August 6, 2024 nü ayongzüka liasü.

Iba training nung Kohima aser Tseminyu district kübok health units ajunga nungi Medical Officers, Block Program Managers, Block ASHA Coordinators, Community Health Officers aser Nurses nisung 80 dak tema dena liasü.

Iba training nung Dr. Imkong Temsu Longchar, State Immunization Officer Nagaland aser DoHFW nungi Dr. G.R.Rio, Dy. Director UIP dena liasü.

Training nung RI Microplan formats, quality headcount survey, supportive supervision & monitoring, safe injection practices, immunization waste management, Adverse Events Following Immunization (AEFI) & management of anaphylaxis, cold chain & logistics management, electronic Vaccine Intelligence Network (eVIN), U-WIN portal, communication plan for RI, Vaccine Preventable Diseases (VPD) surveillance aser immunization coverage

tajungba kumdaktsütsü atema data amshitsü onük tem jembia liasü.

Dr. Leamnye Konyak, CMO Kohima ajanga sentong nung adener pela agizükba jembia, kong shisalen sayur ya Dr. Khrievilhou Nakhro - DIO Kohima, District Programme Manager - NHM, District Community Mobilizer, Vaccine and Cold Chain Manager aser WHO aser UNDP nungi partners tem liasü.

Kohima district nung Full Immunization coverage ya shilem 71 shi lir, ta 2011 Census ajanga ashir, ajisüka shidakba tekolak azüngba nung kanga agi timba lir.

Routine Immunization microplan preparation/update ya mapang shia inyakba map aka lir, kong health workers temi jila aser yimtsüng nung kibong ajak semdanga mashisa tetsür aser kinü tanurtem nem vaccine agütsür.

Microplan ajanga vaccine magi alirtem jangjateter aser health units temi immunization maparen atema sentong yangluba nung yarir. Iba ama capacity building aser refreshers training yagi health care workers indang skills tajungba kumdaktsür aser Ministry indang guideline melenshiba jangja alir.

NAGALAND POLLUTION CONTROL BOARD							
Signal Point, Dimapur - 797112, Nagaland Tel: 03862-245727, TeleFax: 03862-245728 Website: www.npcb.nagaland.gov.in e-mail: npcb2@yahoo.com							
AMBIENT AIR QUALITY FOR KOHIMA AND DIMAPUR CITY							
KOHIMA ASER DIMAPUR NUNG MOPUNG MERÜK-MEMERÜKBA JENJANG							
Sl. no	City	Location of air station	Type of area	Monitoring dates			Permissible limit As per the National Ambient Air Quality Standards "Iba tasazük alemabo metudaktsütsüla"
				30.07.2024	01.08.2024	03.08.2024	
1	Dimapur	Bank Colony	Residential	30	43	63	100 µg/m ³
2		Dhobinala	Commercial	40	50	70	
3		NPCB Office, Signal Colony	Residential	43	40	37	
4		Tenyiphe, Chumoukedima	Commercial	28	20	36	
5		Nagarjan	Residential	44	35	35	
6		Viola colony	Residential	18	36	18	
7		Burma camp	Commercial	48	55	75	
8	Kohima	Opposite NST Office	Residential	23	22	28	
9		PWD Junction	Commercial	35	50	41	
10		High School Junction	Commercial	37	44	31	
11		Midland (Upper)	Residential	21	25	33	
12		Forest Colony	Residential	19	25	32	

Iba osang ya nübor tem ajangzüktsü atema Nagaland Pollution Control Board-i agütsür.



Health/medical insurance nungi GST shilem 18 agintsü khanga opposition MP temi longkak aitba mapang Lok Sabha nung opposition lenir Rahul Gandhi, NCP tekolakba Sharad Pawar, TMC nungi Sudip Bandhyopadhyay, DMK nungi TR Baalu nungeria shilem agiba noksa nung angur.

Bangladesh nung kin tilatem atema India-i süoki ia bilemer: EAM

New Delhi, Luroi/August 6 (Agencies): Hombarnü security establishment den sensak asema sülen taoba Bangladesh PM Sheikh Hasina-i mapa toktsütsü atema telemtetba agi aser khen atema India nung jenoka atatsü asoshi temelaba meshia liasü, ta external affairs minister S Jaishankar-i Mongolbarnü Parliament nung metetdaksü. Bangladesh nung tatalokba dak sendakba nung Rajya Sabha nung osang agütsüba mapang Jaishankar-i ashiba agi, tesem aika nung dokantem aser temple tem amakba osang angazükba sülen Bangladesh nung nütsünyongsük agi ajema aliba teloktem atema India sorkari kanga süoki ia bilemer. EAM-isa, item teloktem kümzüka ayutsü asoshi lokti tentet balalai jenjang agiba pelashishia agizükba metetdaksüo. Bangladesh nung hopta aika mepetmesü adoka aruba sülen Hombarnü Hasina-i mapa

toktsüba indang jembiba mapang Jaishankar-i, India sorkari azüzüka inyaksü aser sensaksem ajanga mangatettep bentettsü asoshi aiben ajungshia aruogo, ta ashi. Bangladesh nung tensa dak sendakba nung Jaishankar-i tang mezüngbuba sorkar nungi official osang ka agütsüo. Bangladesh nung tang army tekolakba General Waker-uz-Zaman-i khuret bener lir aser ashiba agi takaratiba nung interim sorkar ka amenoktsü. "August 5 nü curfew benoker liaka longkak aiteritem aika Dhaka nung adenshia liasü. Security establishment lenirtem den sensaksema sülen Ato Kilonser Hasina-i mapa toktsütsü atema telemtetba agi asütsü ta angateter," ta Jaishankar-i ashi. "Mapang tatsüka tsüngda lai India-i arutsü atema temelaba meshia liasü. Kasa mapang nungsa onoki Bangladesh nungi ketdangsürtemi tayimtsü anentsü atema temelaba meshia

temepishiba agizüka liasü. La yashi (Hombarnü) nikongtsütsü Delhi tongogo," ta minister-i ashi. August 4 nü longkak aiteritemi police station aser sorkar installations tem tali amak tenzükba sülen tensa kanga mejungi aküm aser longkak aiteritemisa Bangladesh kübok tesem balala nung Awami League party den sendaka alirtem indang kiojentem rongtokja liasü. Paisa, "shisabulu kaji tesem balala nung lokti nung nütsünyongsük agi ajema alirtem, parnok shishilemba balala aser temple tem amakba ya lir. Osang tejangja tang tashi mangazük lir," ta ashi. "Parnok kümzüka toktsütsü atema lokti tentet balalai jenjang agiba osang angazükogo. Item inyakyimtem ya onoki kanga pelashishia agizüker saksa temzüng ozüng shitak benoka inyaksangshi masü tashi tebilemstü akar," ta pai ashi.

INDIA bloc lenirtem iba hopta Delhi nung senden amentsü

New Delhi, Luroi/August 6 (Agencies): INDIA bloc lenirtem iba hopta linük yimtiba nung senden ka amentsü imlar, ta source-i Mongolbarnü ashi. Lok Sabha election result June 4 nü sangdongba sülen tang mezüngbuba opposition bloc senden amentsü lir. INDIA bloc senden tatamsa June 1 nü election result mesangdong tsüngda mena liasü. Iba senden nung Trinamool Congress maden, kechiyong iba anogo West Bengal nung menden aika atema election agia liasü. Taruba senden nungbo TMC-ia shilem agitsü, ta source-isa metetdaksü. Senden amentsüba anogo tang tashi mesangdongi lir, saka tongtibang lenirtem aika tang Parliament session nung adentsü atema Delhi nung adenshia lir. Shiv Sena leader Uddhav Thackeray Mongolbarnü Delhi tongogo aser opposition lenir tongtibangtem den ajuruteptsü imlar. Maharashtra nung Haryana den külemi ita ka ana

sülen election agitsü lir aser iba state ana nung Lok Sabha election nung takok tajung anguba sülen BJP-i tang sorkar kümteter aliba ya atsingtoktsü atema Opposition nükjilding lir. Lok Sabha nung INDIA bloc MP 234 lir aser National Democratic Alliance MP 293 lir. Election nung takok tajung anguba sülen parliament nung Opposition kanga tashi ita kümogo aser ken o balala nung sorkar nongshia arudar. Mongolbarnü INDIA bloc MP temi, Sorkari life & health insurance premiums nung GST shilem 18 benoker aliba agintsü kanga longkak aita liasü. Parnokisa 18buba Lok Sabha session tenzükba anogo longkak aita liasü. Kasa mapang nung opposition-i Lok Sabha Speaker atema Congress nungi K Suresh nominate süa election agitsüsa küm daksü. Iba election ya Om Birla-i voice vote ajanga takok angu aser opposition-ia vote agitsü atema menongshi-i liasü.

ED-i Lalu aser par jabaso anema chargesheet talila benok

New Delhi, Luroi/August 6 (Agencies): Mapa atema ali melentepba ken o nung Enforcement Directorate-i Mongolbarnü taoba railway minister Lalu Prasad, aser par jabaso Tejashwi Yadav na anema supplementary chargesheet ka file süogo. Supplementary chargesheet nung nisung 11 sihsema lir. Chargesheet nungsa kuli kakat 96 lir. Court-i iba charge sheet aser kuli kakattem asadangtsü asoshi August 13 nü shimogo, ta ANI sangdong ka ajanga metetdaksü. UPA-1 sorkar kübok Lalu Prasad Yadav Railway Minister aliba mapang tatalokba dak iba ken o ya sendaka lir. 2004 nungi 2009 tashi nung nisung aika Indian Railways kübok zone balala nung Group "D" mapa atema shimogo. Mapa melena item nisungtem yagi parnok indang ali Prasad'er kinunger aser parnok den sendakatepa aliba company A K Infosystems Private Limited nem agüja liasü. ED-i taoba mapang ashiba

agi, A K Infosystems Private Limited ya iba ken o nung "beneficiary company" ka lir aser New Friends Colony, south Delhi nung züngoksema aliba address ya Tejashwi Yadav-i amshia liasü. Yadav'er kibong den kanga junga sendaktepa alir Kalyan, iba company nung director ka lir ta agency-i ngutetogo. Iba den bendenloksema Tejashwi Yadav aser Chanda Yadav na meyong A B Exports Pvt Ltd ya company taila ka aser iba company indang address ya-a New Friends Colony nung züngoksema lir. ED-i ashiba agi, Rabri Devi aser Hema Yadav nati Railways mapa nung anioker nungi ali pezü agizük aser Meridian Construction India Ltd. dang yoka liasü. Iba company ya taoba RJD MLA Syed Abu Dojana den sendaktepa lir, ta PTI-i metetdaksü. Charge sheet nung ED-i, court dang ken o dak sendaka aliba ali aser kiojen ajak sota ayutsü mepeshia asüngdangogo.

EC-i J&K nung political party tem den ajuruteptsü

Srinagar, Luroi/August 6 (Agencies): Election Commission of India-i, Brestibarnü Jammu and Kashmir nung political party tem den ajuruteptsü. Union Territory nung Assembly election agitsü atema parnok tebilemba angadangtsü atema iba senden ayongogo. Chief electoral officer, Jammu and Kashmir office-i Mongolbarnü political party balala Election Commission (EC) den senden nung shilem agitsü asoshi jaoka shiti yokogo. Election Commission den senden amentsü atema party balala nem mapang lemzüktsüo. Supreme Court'-i J&K Union Territory nung September 20 tashi nung election agitsü atema tetuyuba agütsür aliba tembangtsü hopta ishika dang anunga lia chief Election Commissioner Rajiv Kumar-i anir EC-i Jammu and Kashmir August 8 nungi 10 tashi semdangtsü. Kumar meina Election Commissioners Gyanesh Kumar aser S S

Sandhu nati iba UT semdangtsü. March ita Kuma-i, political party tem aser Jammu and Kashmir nung aliba nüburtem dang poll panel-i takaratiba nung Jammu and Kashmir nung election ayongzükba agitsü ta tenangzükba agüja liasü. Iba mapang election commissioner indang mapa ana tazüng liasü. Iba mapa ana atema nübu Lok Sabha election agitsü lia March 16 nü shima liasü. Lok Sabha elections nung otsüsütsüsa Jammu and Kashmir nung nüburtem aika adenshia vote agütsüba sülen Kumar-i ashiba agi, "LS election nung nüburtemi shilem tajung agiba ya Assembly elections atema kanga tongtibang asütsü koba yakta agitsü, ajita asünung dang Union Territory nung maneni democratic inyakyim benoka inyakyonga otettsü." Political party den ajurutepba dang masü commission-i, chief electoral officer aser central forces coordinator den tensa

asadangtsü. Commission-isa, district ajak nungi election officer, police superintendent tem aser chief secretary aser director general of police den senden amentsü. August 10 nü commission-i Jammu semdanga enforcement agency tem den senden amentsü aser osangbenertem dena sensakasemtsü.



Himachal Pradesh nung tzümetsüng agi kongshir aliba tesemtem semdangba mapang BJP MP Kangana Ranaut-i nüburtem den sensak asema noksa nung angur.



TIR YIMYIM

YIMOBILEM (EDITORIAL)

DIMAPUR RASEMNÜ, AUGUST (LUROI) 07, 2024

Bangladesh petsapronger; India tatayuyur

- P Tiamongba Aier

Bangladesh nung Sheikh Hasina-i Prime Minister menden toktsür linük toktsür jena ogo, lungkak aiteremi lar ki kakkoka tua raksatsüogo, Army-i interim sorkar ka ajanga linük ketdangsütsü tenzükogo aser rongsenketzung khurettem tamajungba kümogo aser taruba anogotem tamajungtiba akümtsü. Bangladesh nung tensa mesüngjemetba ajanga New Delhi-Dhaka tesentaktep yanglushitsüsa akümtsü aser iba ajanga South Asia nung kanga dang tongtipang onüktem aser security tebilemstütem adoktsü. Sheikh Hasina-i küm 15 tashi Bangladesh nung lar Awami League sorkar ketdangsüa arudang mapa tajung aika inyaktetogo. Lai inyaktetba rongnung linük temzung nung temelenshi tajung aika bener aru aser Bangladeshi politics nung secularism tanaben lepa bener arutet. 2013 Shahbagh lungkak aitba mapang takhangba agütsüba rongnung kaji Bangladesh nung 1971 Liberation War mapang ozung alema inyakterem ken o tem angadangsüba liasü aser Hasina-i ibaji mapa küma inyak. La lenisüba kübok Bangladesh rongsenketzung jenjang tajungba akümtsü aser Least-Developed Countries telok nung dena aliba nungi 2026 tashi nung developing nation ka akümtsü jenjang tongtetogo. Bangladesh nung iba tensa ya majuru asübo South Asia nung terenlok aser tejakleni aoba linük ka akümtsü takoktsü liasü. Hasina lenisüba kübok India aser Bangladesh tsüngda tesentaktep kanga junga aküm aser India anema inyakba telok shinga Bangladesh lushi nungi mapa meinyakdaksü. La Prime Minister inyaka arudang linük ana tsüngda tesentaktep (connectivity) aser shishilembaba kanga junga aküm aser talisa India kübok Northeast nung shishilembabaren jenjang ajungket. Iba mapang linük ana tsüngda tzü aser ali tsütsü arrtsü ken o tem angatettepogo. Ajisüaka, Hasina-i lar linük nung politics teinyaktsü tim meinyak aser iba ajanga lai iba timtem ajuruogo. Lai opposition nem maongka kecha magütsütsü merang aser tashiyim agi sota ayu, laisa lar sorkar anema jembirtem arrshi. Iba dakji alia lar sorkari Digital Security Act, 2018 yangluba ajanga social media aser mass media nung free speech alenbang aser iba ajanga la anemer aika aküm. Bangladesh sorkar nung opposition maliba ajanga nübortem aser loktitentetemi opposition shilem agitsü tenzük aser parnokii lar sorkar anema lungkak aityonga aru. Covid wara aser Ukraine rara ajanga alima rongsenketzung nung kanga mejungi kongshiba ajanga Bangladesh nunga nübortem libalirotsü nung timtem ajuru aser mapa manguba khuret tuluba aküm. Yamaji lia Hasina'er sorkari ashishitep aketba quota mapa tenzükba ajanga 'Students Against Discrimination' ta ser telok ka tenteter lar sorkar anema apusoa lungkak aittsü tenzük. Iba ya 1971 India-Pakistan war nung rarartem nungi jakzükertem nem sorkar mapa 30% lemkütsütsü atema liasü saka kaketshirtemi anema noktaka sülen Bangladesh Supreme Court-i ibaji 5% ajemja liasü saka kaketshirtemi tzüramatem lungkak aityonga aruba ajanga tatem nungbo Hasina-i Prime Minister yutsür jena aotsüsa ajuruogo. Bangladesh nung iba tensa ajuruba ya India asoshi tebilemstü khuret tulu ka lir kechiyong taruba sorkarji India anemer teloktemi kümra aisü nung timtem ajurutsü. Taoba hopta Hasina-i Jamaat-e-Islami ya kiralongrar telok ka ta sangoktsüogo saka Bangladesh army chief den party ajak ajurutepa senden amendang Jamaat-e-Islami denogo, anungji taruba sorkar nung parnokia shilem agitsü akok. Külen, India atema Bangladesh nung Hindu nunger kümzuka ayutsü onük den Indo-Bangla arrtsü nung security khuret tulu lir. Ano, China aser Pakistan-ia Bangladesh tensa nungi maongka agitsü atema meranga alitsü akok anungji BJP-i aniba NDA sorkari tayongzükba tulu ka ajurua lir.

OLEMSABANG

SORKAR SCHOOL TENÜNG TAJUNG TANABEN MEYIPA BENER ARUTSÜLA

~ L. Kika Pongener

(Yashi adok nungi...)

Ano aji tang masü, Sorkar School teimba ka Result majungbaji, Sorkar Department nung ketdangsertem tashimait/tamakoka karbo alitsü akok. Sorkar Department nung ketdangser-i School ajak nung tesayur küsasa peria ayutsü kanga tongtipang lir. Sorkar School kar nungbo Maths, Science & Hindi teacher maliba osang angazüker. Ano jila School-tem kar nungbo tesayur nungdakba dang nungi talila yua lir, saka tezülen (Out-post) School kar nungbo tesayur peria maliba-a angazüker. Aji oda, angazükba amaji shitak sura, iba nungji Sorkar Department nung ketdangser tamakok tuluka asütsü. Ano tezülen (Out-post) nung aliba School kar nungbo tesayur temelen (Substitute Teacher/Proxy Teacher) ayuba-a angazüker. Yimtsüng aser jila nung School Management Committee/Board den, mesura Council Chairman/Gaon Bura den angatetteper, temelen tesayur kar shima yur itasen lemsatepa agiba-a alitsü akok. Ashiko, iba ama tesayur ayubaji, Post Graduate/Gratuade/Trained Teacher melena, parnok ama azüngba masü (Un-Qualified) teacher-ang kar tenung atema yua alitsü akok...!!!??? Ibalala ama küli jagi Sorkar School karbo Result ya majunger sudi ta-ka bilemer. Ano Sorkar Department nung ketdangsertema tashimait kaji, tesayurtem karbo Directorate Office/District Office nung tanga mapa lemkütsü 'Office Attached' ayuba-a angazüker. Ano tesayurtem karbo tanga Department-i, tanga mapa lemkütsü 'Deputation' yokba-a angazüker. Aji oda, angazükba amaji shitak inyaka lira (?) Ibaji Public leader/Politiciant-tem aser Department nung ketdangsertemi iba amaji inyakba agi Sorkar School nung tesayur agi meperidaksü asütsü.

Surabangla, Sorkar School-tem nung School tesayurtem nem itasen agütsüba, School Building, Infractures & Development, Mid-day meal, School Uniform, School Books & Stationaries etc. iba amala nung küm shia Sorkar sen kwika endoker...??? Aser Sorkar School nungi Students tajung adokdaksüba aser alima nubur aser loktiliba nem tajangzük agütsüba...item ajungaji kanga junga medemdanga/asadanga reprangdangra, Sorkar sen endokba amai tajangzük anguba kangarabo mali ama nuburtem-ibo asadangteter. Atangji, kanga junga asadanga reprangdangra, Sorkar School ayuba nung Sorkar sen endokba aser Sorkar School ajanga alima aser nubur nem tajangzük agütsüba medemdangra, tajangzük kangabo mali ama nuburtem-ibo asadangteter. Aji oda, School-tem nung sen endokba amaji tajangzük kangabo mongura (?)...Iba nungji teshisadangtsü kar lir amai bilemer. Koba Project sudir suang, Industry/Factory/Mill-a suang, mesura sorkar Department-a suang, tajangzük dang nungi takoksa-ang tuluba sura (?) Iba nungji tebilemdangtsü kar lir amai bilemer. Anungji tarutsü nung Sorkar School ya maneni ayutsü asü (?) Mesura tanga lenmang kar bushidangtsü (?)...ta shisadangtsüla ka lir amai nuburtem-ibo bilemer. Anungji Sorkar-i kanga junga asadanga reprangdangra tajungba dang sura, Sorkar School ya nija School (Privatised) küma yoknunga koma sula (?) ta khen arok külemi shisadangdi.

Anungji asen yimsusur School Education & SCERT Advisor Dr. K. Yhomei ashiba amaji, School Education Department tenung tajung tanaben meyipa bener arutsü meranga inyaksüla. Aji oda, akhidang sorkar school nung azüngertem koma tajung adok, iba amaji tanüa adokdaksütsüsa, Sorkar Department nung ketdangseri anir yimsung/jila nung Council members/G.B's/School Management Board aser tesayurtem ajunga külemi teka amtepa longjemer, khen asentenshia temulong agüja, tajungba küma yanglushitsü, aser akhidang tenung tajung akaba ama tanüa tenung tajungji meyipa bener arutsüsa khen züngiangshir merangdanga inyakdangtsüla. Ajak liaka, tesayurtemi khen temulong agüja pei sempet tajungtiba agi bendanga agüja School result tajungba akümtsü asoshi khen meranga sayutsüla. Ajiser, iba sulenji, temelenshiba balaka melira, Sorkar School ajunga ya nija School (Privatised) küma yoknungang tajungba sudi-su ta nuburtemi asadangtetba ka, Sorkar-i khen suoki yia shisadangtsü asoshi nuburtem tebilemba olen ka lemsateper.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Impur nung Dorca Cell Training agi



Impur, Luroi/August 06 (TYO): Vocational Training cum Production Centre (VTPC), ABAM Women Ministry ajanga Zone 2 Dorca cell pur atema sü arba aser chiyungtsü tabu balala yangluba training ka ayonga August 5 & 6, 2024, Impur nung kanga takok ngua agiogo. Iba training nung Ainla, Mkg ajanga sü arba aser Anungla, Dimapur ajanga

chiyungtsü yangluba sayua liasü. Aseni inyaktetba mapatem aika dangar nem inyaktakja rongsen kettsung nunga teküboki aiba ajangshia arur. Aseni inyakba mapa nung tajangzük anguba tepela onsara tulu aser ibaji aseni inyaktetra lenmang aisü nung tajangzük lir. Anungji pei sasa inyaktetba nung temoatsü agitsü nükla tulu yur iba

sentong agia arur aser aika temoatsü ngua lia odar. Tsüngrem tenüing asanger, ta Rev. Dr. Mar Pongener, Executive Secretary, ABAM ajanga sangdong ka nung ashi. Ajak agi arogo 15 nungi parnok 29 arua iba training nung aden. Maneni iba sentong agia aodang Tsüngremer leniba agia aika tajangzük anguba sentong asütsü sarasademer, ta paisa ashi.

Indonesia nung tekülem ki poksatsütsü aliba tasa raksatsü

Surabaya, Luroi/August 06 (Agencies): Taoba hopta Indonesia nung aliba ketdangsurtemi arishi küm 19 tain Islamic extremist telok nung züngsem aser par tsürabortem pua tekülem ki ana nung bomb pokloksütsü tasa yanglua aliba raksatsü, ta ketdangsur temi ashi. High school nung azüngsang H.O.K ya Bodhbarnü (July 31) nikongdang 7:15 ako meta apu aser iba mapang pa ya Malang Regency, East Java kübok Jalan Langsep, Sisir village, Batu City nung kuli raksa indoki aoba mapang apu, ta Anti-Terror Special Detachment 88 Spokesperson Aswin Siregar-i Jakarta nung Deobarnü (August 4) osangbener senden ka nung ashi.

Satan” ta ajar aser iba ya tapoktsü oset tashi tulutiba aser tesashitiba rongnung ka lir. Tang tashi bushisüngdangba nung H.O.K yagi Dawlah Islamiyah propaganda aliba websites tem aiben amshi aser suicide bombings mapa inyaktü meranga liasü, ta Aswin-i ashi. “Dawlah Islamiyah nungi propaganda aliba websites balala pai amshi. Ajidang masü pai social media nungia osang angu, anungji pai takum bendanga agütsür bomb pokloksütsü mapa inyaknüa akum,” ta ashi. Temulung melemi pua alisangi school allowances bendenba nungi tapoktsü oset aser nungdakba hadir alia liasü, ta TribunJakarta.com ajanga ashir.

H.O.K’er tsürabortem ya Batu City, Malang, East Java nung As Sunnah nung Islamic boarding school anasa Bunga Tanjung Housing Complex Kav, 34, Jeding Village, Junrejo District nung khen asoshi sen agütsür aliba ki ka nungi apu ta pai taoba mapang ashiba melenshitsü. Police temi ano kiralongrar südi ta temulung melemi alir ka Solo, Central Java nung apu, shiba train ajanga Jakarta leni oa liasü ta Aswin-isa ashi. H.O.K aser par kinunger ya Jakarta nung alir, saka küm ishika Batu nung anaben tashi sen agütsür ki ka nung liasü. Batu nung parnok aliba kiyong nung tekolakba Yulianto-i par kibong ya kidanger den metettepa meliasü aser temai madoki miimshia liasü, ta ashi.

Special Detachment 88 squad aser Batu police ajanga pa apu. “H.O.K ya ISIS mesüra Dawlah Islamiyah bhukumer ka lir,” ta Aswin-i Brehostibarnü (August 1) Jakarta nung osangbener dang ashi. H.O.K ya Philippines nung amenoka aliba Dawlah Islamiyah indang online züngsem ka akum, koba Islamic State (ISIS) den affiliate süa lir, aser pa den nisung kari Triacetone Triperoxide (TATP) explosives amshia Malang Regency, East Java nung Khristanpur indang tekülem ki ana nung takum bendanga agütsür bomb pokloksütsü sentong liasü. TATP dang “Mother of

H.O.K’er tsürabor tema Bodhbarnü (July 31) apu aser police temi ano asüngdangyatsü atema nisung kar pua lir. “Densus 88 ajanga pa danga ISIS support networks den sendaktepa ali-mali asüngdangyaba mapang lir. Pa indang tsürabor mesüra kinungertem densema nisung kar dang asüngdangya süogo,” ta Aswin-i ashi. Tsürabortem ya train ka nung lia apu, ta pai ashi. “Iba kiralongrar tsürabor ya Jakarta-i train nung aodang apu. Par tsürabor temi tapoktsü oset mesüra bomb bena meliasü ta jangjaogo,” ta Aswin-i ashi.

Indonesia nütsüng yongsük shilem 83.3 shi Muslim nunger lir aser Khristanpur shilem 11.43 shi lir, kong evangelical nütsüng shilem 3.23 shi lir ta Joshua Project ajanga ashir. Khristanpur yariba Open Doors ajanga alima nung Khristanpur alitsü asoshi linük tamajungtoba 50 asadanga 2024 World Watch List nung Indonesia ya jenjang 42 buba nung lir. Indonesia nung conservative Islamic yimya tali amshir aser evangelical outreach inyakba arogo tem nung Islamic extremist teloki aiben tenük yoker, ta World Watch List osang ajanga ashir.

ANO GO ABEN TSÜNGREM DEN

Taniba Teka

“Aser pai na ajemaludaktsütsü, na tendangtsü, ne mulung nung kechi liasü aji metettsü, Pai melaba nai benshitsü mebenshilir metettsü asoshi Kibuba ne Tsüngremi item küm lir arem nung na aniba lenmang ajak bilemtettsüla” (T. Kunem 8:2)

Laishibai Tsüngrem aser Satan anapronglai tendangba jembir. Meimchir dak kechi lir aji metettsü asoshi tendanger. Arem nung mojingi Yisu tendangba asenoki angur (Mt. 4:1) aser Tsüngremi Abraham tendang (Lipok 22:1), aser tetendangba tia ajak nungji Tsüngrem aser Satan dena liasü. Tsüngrem asenok tazüokba tajungtiba adokdaktsütsü asoshi tendanger. Satani asenok raksadaktsütsü nükjidong nung tendanger. Iba amaji tatidangbaji lenmang anasü nungi tendanger. Anungji, kodang satani na atsüzüktsü atidanger ta nai meteta arudir, Tsüngrema ne den dena lir ta bilemtetang. Pai teti asenok mesotsü, akangdaktsütsü aser tamang nungi tamang dangi aintsü ajungshir. Ibaji teti asenoki mamadoktsüba mapa ka lir. Kodangsa satani ni atidanger, ni metsükdaktsüi sottsü Tsüngrem idakji lir.

IOC-i Khristanpur maitsü nokdangba Brazilian athletes temi memulunger

Paris, Luroi/August 06 (Agencies): International Olympic Committee (IOC) ajanga Paris 2024 Olympic Games nung Khristanpur maitsü nokdangba ajanga mangatetep adoka lir, ajisüaka iba asayamung tenzükdang Leonardo da Vinci indang The Last Supper jilushi aiba ajanga tamanger temi kanga mepelai aija liasü.

tamangba yimsü akumtsübotsü tim ta ashi.

IOC-i July ita Brazilian surfer João Chianca indang surfboard nungi Khrista indang noksa indokdaktsü. “Iba painting ya Olympic Games nung mela mali, kechiaser Khrista ya tamangba yimsü nung keta lir. Games nung ozüing tesashi lir aser ‘neutrality’ nung rangloker,” ta Chianca-i pa indang social media nung post asü, saka mapang tatsüka lir indok.

Kasa hopta ano Brazil nunger Khristan athlete kati ola madoki temulungtetba tulu nung longkak aita nüburtemi meteta akum.

Brazilian skateboarder Rayssa Leal-i yimya balaka nung la indang tamangba yimsü lemsatep. Tetsür street skateboarding sentong nung bronze mangudang Leal-i sign language amshia Laishiba tekong nungtugu ka ashi.

Iba telemtetba ya ajanga Khristanpuri kanga mepelai aitsü, kechiaser parnok bensaa amshir ama bilemer.

2021 Tokyo Games nung la ya arishi küm 13 liasü aser iba mapang Olympic medal angurtem rongnung tanutsütila liasü aser takum lai bronze angu.

Khristanpur noksa amshiba nokdanga ozüing tesashi yangluba den mapet iba asayamung tenzükdang The Last Supper mezüngmeshi ta nisung aikati tejashi lemsatepogo.

France nung lai skateboarding nung metoktepdang Yohan kakat nungi tekong ka sign language ajanga ashi. Lai “Lenmang atangji aser takum ni lir,” ta ashi. Mezüngbo terepranger temi la indang sign language ya mangatet, saka social media nung iba Lai tekong meyipzüka alimai la dak temulung tali agütsü.

Item athletes atemabo iba amala noksa aser temaitsü yagi parnok ajungmesor, anungji tenokdangba agütsüba ya mepelar.

“Ni kanga tanur asüdang athlete skateboarder ka akumtsü jangra liasü. Aser tanü ni yangi Games nungi Olympic medal tanabuba bener lir. Ano maneni iba atema ni Tsüngrem dang kanga pelar. Ni yangi kanga pela lir,” ta lai bronze anguba sülen osangbener dang ashi.

“Olympic venue kecha nunga yimtenren, tamangba yimsü mesüra nisung sentsü anema yimya mesüra propaganda kecha memelar,” ta Olympic Charter indang Article 50 nung shia lir, koba kanga metsünga-reta amshir.

Brazil nunger timba Khristanpur lir, aser yangji Roman Catholicism ya tulutiba lir. Tawa survey agiba nung Brazil nunger shilem 50-60 tsüngta Catholic lir ta jangjatet. Ajisüaka Protestant nütsünga jenti lir aser yangji lanur Evangelicals dena lir.

Chianca-i kanga kera iba post ya delete süaka pa indang followers temi pa indang

AO OSHI ANGAZÜKDAK: TANÜ ANGAZÜKTSÜBA OJANG



Talang

(v) temelen kasa jenjang agütsü (give worth the price)

* Tsükchir nem talang agütsür pa taküm meyipa bener aru.

Talanglang

(adj) tatsütsü masü, matongtsüsa aika aliba (very long long one)

* Ki asüdüng süngküm talanglang aika nüngdaker.

OLONG PAITEP # 6868

Grid for OLONG PAITEP # 6868 with numbers 1-17 in various positions.

TIPIEN

- 1. Nisung jenti - (5)
4. Tsük rudenba - (5)
6. Temzüng tesashi - (5)
8. S _ _ _ i - (3)
9. Nisung telemsa - (3)
10. Anogoshi - (4)
12. Ajanga aor - (4)
13. Tsük rizüngdak - (3)
14. Tebang nungi adokba - (3)
16. Süngdong tatembangtiba - (5)
17. Meputep - (5)

LANGTSÜNGLEN

- 1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Majinü - (5)
13. Tzüma nung senzüba - (5)

OLONG PAITEP # 6867 TELANGZÜBA

TIPIEN :

- 2. Bangsemo, 6. Tiptem,
8. Jen, 9. Talila, 11. Aren,
12. Tzübo, 14. Alia, 16. Angati,
17. Odi, 18. Azü, 19. Sünglang.

LANGTSÜNGLEN :

- 1. Yipten, 3. Nüja, 4. Sangro,
5. Milen, 7. Tulu, 10. Laza,
11. Aben, 12. Tiyong,
13. Ajizük, 14. Aitsü, 15. Tasa,
16. Aina.

NAI-A YA METETTER MA



Sweden nunger Armand Duplantis-i Paris Olympics 2024 nung Olympic pole vault atema world record ka yangluogo. Stade de France stadium nung nisung 69,000 adenshir repranga lia Duplantis-i 6.25 metres (20 feet, 6 inches) alemteta liasü.

Arishi küm 24 tain Duplantis ya USA nunger saka pai tetsü'er linük Sweden tenüng nung shilem agir. Pole vault nung pai world record tugubenbuba yanglutetogo saka Olympics nungbo tang mezüng lir.

CM Sarma-i Hindu-Muslim politics dang inyaker: Assam Congress



Guwahati August 6, 2024

(Agencies): Chief Minister Himanta Biswa Sarma-i 'Hindu-Muslim politics' dang inyaker aser nübertemi BJP kin agenda mejangrar ta Assam Congress state president Bhupen Kumar Borah-i ashi.

Assam nung opposition party 18 longjemba ya 2026 assembly election tashi aütsü aser taruba

küm ana election shia onok ka ser dang tokteptsü, ta Borah-i ashi.

"Assam CM-i Hindu-Muslim politics dang inyaker. Ajisüaka Assam nung alirtemi communal agenda nung mejangrar aser ibaji Lok Sabha elections mapang sayuogo" ta paisa ashi.

CM Sarma-i Deobarnü 'love jihad' atema ozüng ka yanglutsü

aser 'particular community' nungi lisopurtem atema ali temeten aser sorkar mapatem yutsütsü atema ozüng yanglutsü ta ashi.

"Assam nung land policy kechi südir süang assembly nung mezüng benoker olemteptsüla. Yamaji mesüi CM Sarma-i iba onük kin o kin indang kümdaktsütsü meranger" ta Congress president Borah-isa ashi.

CM Sarma-i economic policy tem jembiba aitsür kechiyong item nung metokmeperi aika lir aser beneficiary schemes nungi teyari agir. Assam state sorkari media aser state publicity amshia kin nung ajemdaker inyakba osang prokshir. Tanü-asüngbo sorkar aazükbaji yi ayokba dang lir. Sorkari yimtsüngtem nung lennirtem nem liquor shop licences 2,000 agütsüogo" ta Borah-isa ashi.

Assam DIG-i Karimganj nung Indo-Bangladesh arrtsü semdang

Guwahati, August 6, 2024

(Agencies): Bangladesh nung tensa mejungi akümba atema Assam Deputy Inspector General (DIG) Kankan Jyoti Saikia-i Karimganj district nung Indo-Bangladesh arrtsü semdangogo.

Iba mapang DIG Saikia-i Superintendent of Police office nung senden tongtipang ka

ayonga amen aser Kalibari Road nung Kushiya River anasa immigration check post semdang.

Karimganj nung Indo-Bangladesh arrtsü kilometer 100 shi lir aser iba nungi kilometer 3.5 tanüker mali.

DIG Saikia-i Kalibari Road semdangdang security tebilemtsü lemsatep aser arrtsü

anüksü atema Border Security Force (BSF) den olemteptsü ashi.

"BSF-i tensa kanga junga reprangdar aser 'alert' sangdongogo. Barak Valley range ya Bangladesh den kanga anasa arrtsütepa lir aser asenok kübok lir. BSF dang küküma aser renema alitsü shiogo" ta DIG Saikia-i ashi.

Manipur kübok Jiribam anentsüh nung nisung 1 asü; 4 yiru

Imphal, August 6, 2024

(Agencies): Jiribam District kübok Ahmedabad yimtsüng nung tanep anentsüh tulu ka aludang nisung ka asü aser pezü yiru.

Tanep 3:00 ako meta tenemlen nungi anentsüh alua ki ka anenbang aser idangji arishi

küm 10 tain Nurmona Begum anenset.

Iba lendong nung Rani Begum (35), Gulsana Begum (18), Md. Selim Uddin (16) aser Sumita Begum (8) nunger yirua lir.

Yirua alirtem rongnung Sumita Begum temang kanga majung lir aser iba jagi la Silchar

Medical Hospital-i anir ogo.

Iba ki ya tenem anasa lir aser tesüiba anogo ishika tzünglu kanga aruba ajanga anentsüh alu.

Iba osang angashili ketdangsürtem tesem tonga oa teyari agütsüogo aser relief operations inyakdar.

GOVERNMENT OF NAGALAND DIRECTORATE OF HEALTH & FAMILY WELFARE NAGALAND: KOHIMA.

NO. DHFW-3/117/TSG/Crt/2024/7491-99

Dated, Kohima the 5th July '24

CORRIGENDUM

In compliance to the Hon'ble Gauhati High Court, Kohima Bench Order dated 30.07.2024 passed in WP (C)/ 123/2024 and Judgment & Order dated 31.05.2023 passed in No. W.P (C) No. 122/2019 and in pursuance to the Government of Nagaland, Department of Health & Family Welfare letter No.HFW(A)COURT-4/122/2019/146 Dated Kohima the 30th Oct 2023. Applications from indigenous inhabitants of Tuensang District are hereby invited to fill up 1 (one) post of Grade-1V(Medical Attendant) as shown below under the establishment of the Chief Medical Officer,Tuensang.

Table with 4 columns: Sl. No., Name of the Post, Place of Posting, Remarks. Row 1: 1. Medical Attendant, PHC Chare, 1(One) Post

- (1) The applicant should be an indigenous inhabitant of the concerned area. (As per Govt O.M. issued vide No.AR-3/GEN-174/2007 (PT) dated 26th October 2017)
(2) The age of the candidate should not be less than 18 years and not more than 35 years as on 31.03.2024, which shall be supported by the Birth Certificate from the Department of Economics & Statistics.
(3) Candidate should be atleast Class V passed.
(4) Application should reach to Chief Medical Officer, Tuensang on or before 16.08.2024. Interview will be held in the Directorate of Health & Family Welfare on 28.08.2024 starting from 12:00 Noon.
(5) The candidates are hereby directed to bring the following documents in original.
(a) N.O.C from the respective Village Council/Ward Chairman.
(b) Indigenous Inhabitant Certificate.
(c) Schedule Tribe Certificate.
(d) Academic Documents.
(e) Birth Certificate
(f) Incomplete applications shall be summarily rejected by the Board.
(6) Preferential treatment may be given to Land Ownership as per Court's Order.
(7) No separate calling letters will be issued, the selected candidates result will be notified in the local dailies.

This Corrigendum supersedes the earlier Advertisement dated 21/06/2024 as per court Order dated 30.07.2024.

SD/- (DR.E.MOTSUTHUNG PATTON) Principal Director Directorate of Health & Family Welfare Nagaland: Kohima.

Telungpurtemi nongshiba Min Aung Hlaing-i agizükogo



Yangon, Luroi/August 6 (Agencies): Coup anema rarartemi linük northeastern kübok Lashio jila nung amendaka aliba tongtibang military base ka atsüingba sülen Myanmar indang army tekolakba aser coup lenir Senior General Min Aung Hlaing-i, pai aniba sepaitem kanga nongshidar ta nangzükogo.

Myanmar National Democratic Alliance Army (MNDAA) koba telungpur teloktem teloktep nung shilem ka lir paroki ashiba agi, hopta tatemi parnoki army indang Northeastern Command headquarters atsüingogo.

Lashio nung tatalokba dak sendakba nung Min Aung Hlaing-i indang indangabo mejembi saka, northern Shan State nung sepaitem parnok tamendakdak nungi atsüingogo, ta ashi.

Sepaitem tang security dak sendakba nung aser iba tesem nung aliba nüburtim kümzuka

toktsütsü atema atsüingogo, ta ashi.

Army telokabai jembiba olen koba Mongolbarnü official Global New Light of Myanmar nung sangdonga liasü iba nung pai, coup anema rarartemi civilian tem aser military mozükitem amakba aser nüburtim timla makai kümdaktsütsü atema kidang aser bendanglen kija aser lokti kar den longjemer inyakba aitsüogo.

Drone densema parnok indang prangbong injang aser hadirtem kanga sophisticated-ba küma odar, ta pai ashi.

Military-i 2021 küm February ita nüburtim election ajanga shimba Aung San Suu Kyi-i aniba sorkar atsüingoka liasü. Sorkar atsüingokba sülen linük ajunga nung nüburtim longkak ait tenzükker aser meyiper military-i tashiyim agi item longkak aiterem azüoktsü meranga liasü.

Iba mepetmesü nung civilian 5,500 shi süogo aser military

aitsüba atema nisung 20,715 shi tepuokdak yua lir, ta Assistance Association for Political Prisoners-i ashi, shirnoki tensa asadanga arudar.

Rights group temia civilian tem amakba dak sendakba nung rara dang aibelen menaba atema military inyakyim bushisüingdang asütsüla ta shiogo.

Lashio jila ya China den arrtsü nungi km 110 shi pilar lir aser MNDAA puri July ita tetenzüklen Operation 1027 tanabuba shilem amenokba sülen iba tesem ya amaktsü atema rangloker inyaksangshia aruogo.

Parnoki Janury ita arrtsü nung aliba Laukkai yimti atsüingogo, koba ozüing raksartem jenti adenshia aliba aser Mandarin oshi kanga bulua jembiba Kokang tesem yimtiba lir.

Telungpurtem alliance kong Ta'ang National Liberation Army (TNLA) aser Mandalay People's Defence Force (PDF) nata densema lir, parnoki tawa Mogok tesema atsüingogo, koba ruby mine tem amenoka aliba ajanga kanga nüngtugu lir. Parnokisa northern Shan State nung Kyaukme aser Nawngkhio jila dena atsüingogo.

August 2 nü MNDAA-i ashiba agi, parnoki Northeast Command headquarters ajunga atsüingogo aser yimti nung tanungba army unit tem ajak azüokogo.

(Maneni tapak 8 nung...)

MULUNGEN O



20.01.1940

26.07.2024

Ozü temeim asür **Sakurepla (Changtongya Yimsen)** la temang mejungi mapang tatsüka lir iba lima nungi piladang ana aser talang nungi shirnokisa ozü mangyim jashi lemsatepa nuboo, Sarasadem, rongsen aser tesünep o agi onok mulung süngzükja yariogo, nenok ajak dang pelaba lemsateper.

Tsüingremi nenok tali moajangma.

~ Temeim Chirnur, Semchisemnur aser Anukapang.

AORIJU-IACHAAYANGAAGIBAARANGTET TATIDANG TANABUBAREN 2024 (CHITENI)

TAKOK ANGURTEM YAMAI SANGDONGER:

- ACT 101-102: Tatidang agütsür: 2 Takok angur: 1
3rd Division: Roll No.2
- ACT 301-302: Tatidang agütsür: 1 Takok angur: 1
1st Division: Roll No. 2
- ACT 401-402: Tatidang agütsür: 3 Takok angur: 3
2nd Division: Roll No. 1, 2 & 3
- ACT 501-502: Tatidang agütsür: 1 Takok angur: 1
1st Division: Roll No. 1*
- ADT 101-103 : Tatidang agütsür: 10 Takok angur: 4
1st Division: Roll No. 4
2nd Division: Roll No. 1, 8 & 16
- ADT 201-203: Tatidang agütsür: 9 Takok angur: 7
1st Division: Roll No. 1**
2nd Division: Roll No. 2, 3, 4, 5, 8 & 9
- ADT 301-303: Tatidang agütsür: 6 Takok angur: 6
1st Division: Roll No. 2*, 3, 4*, 5, 6 & 8
- PGDT 601-603: Tatidang agütsür: 14 Takok angur : 14
1st Division: Roll No. 1*, 2, 3***, 4, 5**, 6**, 9**, 10*, 11*, 13*, 14*, 15, 16 & 17

Temetetsü:

1. PGDT 701-703 nung tatidang agütsür alir item Roll No.tem iba takoker osang sangdongba anogo nungi ita ka tsüingda tashi nung Dissertation onük (Soft copy nung) office tongtsütsüla. Roll No. 1, 2, 3, 4 & 5
2. Roll No. sülen * aliba tetezü marks 80 sür tema anguba tamaitü alitsü.
3. Takok ngua alirtem atema Marksheet Luroi 16, 2024 anogo office nungi angutsü.

Sd/-
Rev. Prof. Rongsen Lkr
Chairman

Sd/-
(S.Wati Ozüküm)
Secretary

Bangladesh parliament shibangogo, Khaleda Zia chiokogo



Dhaka, Luroi/August 06 (Agencies): Mongulbarnü Bangladesh Tir Mohammed Shahabuddin-i 12th Parliament shibangtsüogo, koba January 7 national election ajanga tenteta liasü.

Sangdong ka nung, "Tiri armed forces asem indang tekolak, political party balala lenirtem, civil society nungi teshimtet nisungtem aser Anti-Discrimination Student Movement lenirtem den sensaksemba sülen Parliament dissolve asütsü telemtetba agi," ta Bangabhaban-i ashi.

Kasa mapang Bangladesh ato kilonser menden nungi Hombarnü alur linük nungi jena aola Sheikh Hasina den tokteper Khaleda Zia, shiba

2018 küm nungi ochimashi ken o nung tepuokdak yua liasü, la chiokogo.

Mongulbarnü Dhaka nung tensa süngjema kumer liasü, kong buses aser danga public transport tem yimtung nung senzüa liasü aser dokan tem lapok. Sorkar meyong gari tem office leni oa liasü.

Hombarnü nisung meyirijang aika adenshia Hasina'er ki telungi ia ki o jen raksatsür osettsüset ayuaba sülen tensa melenshiba angur. Dhaka nung Hasina'er Sudha Sadan ki aser danga establishment raksaja mi senlokja liasü.

Interim government nung Nobel laureate Dr Muhammad Yunus ya chief adviser asütsü,

ta Anti-Discrimination Student Movement ketdangsür temi Mongulbarnü sangdong.

Social media nung video ka lemsatepba nung, linük kumzüktsü asoshi kaketshir temi ajungshiba ama Prof Yunus-i iba khuret abentsü mulungogo, ta iba movement nung ketdangsür Nahid Islam-i ashi.

"Interim government atema framework ka sangdongtsü onoki ghonda 24 agi. Ajisüaka tensa majungba ajanga onoki tang ang sangdonger. Interim government tentettsü onoki telemtetba agiogo aser yangji alimai kanga junga meteta alisang Nobel Laureate Dr Mohammad Yunus ya chief adviser asütsü," ta Nahid-i ashi.

Tir Mohammed Shahabuddin-i akok tashi tekeraba nung parliament shibanger interim government ka tentettsü ta sangdonger ghonda ishika lir Nahid-i iba osang ya sangdong.

Bangladesh sorkar mapa nung Pakistan nungi nüchiso asoshi rarar kinunger nem quota wazüka yutsüba anema July 16 nungi kaketshir temi longkak ait tenzük aser Hombarnü tashinung longkak aiter nisung 400 dak tema takum samaogo aser aika yirua lir.

Kamala Harris-i Democratic nomination ngutetogo



Washington, Luroi/August 06 (Agencies): Immigrants jala aser US tatong tir Kamala Harris, shiba California yimten yimsüsüba aser law enforcement ranks ajanga nüburtim meteta akum aser US puti otsü nung tetsür tatong tir mezüingbuba akum, la Hombarnü Democratic presidential nomination ngutetogo, anungji party tulu ka indang ticket amer nokdaksü sentsü balala aliba tetsür mezüingbuba kumogo.

US tir asoshi tokteptsü merangba nung tamakok ajurur küm pezü dak tema lir Tir Joe Biden-i June ita taoba US tir Donald Trump den o intepba nung junga shilem magiteti November ita US tir election nung metokteptsü sangdongba sülen Harris-i iba maongka angu.

Democratic National Convention delegates ajanga anogo pongu online nung vote agütsütepba Hombar aonung tembangba sülen Harris indang nomination ya official akum

asir ayatirm atongtsü lia party-i sangdong ka agütsüba nung vote agütsüba delegates shilem 99-i Harris nem agütsü ta shia liasü.

Iba sülen vote agütsüba kuli tejangja agütsür ita tatemlen Chicago nung party mungdang ka nung benjong alitsü ta ashi.

Biden-i renema aliba onük, talisa democracy, prangbong agi azüdokshiba nungi kumzüka alitsüba aser tanur raksaa indoktsü temeden amala memelenshitsü ta Harris-i shia lir. Ajisüaka lai kanga agi tesashiba nung inyaktettsü, kechiaser la ya prosecutor mapa inyakdanga lir.

"Putu tasen, prosecutor aser tetsür ka indang ola ya khenyongi balaka lir, aser lai fundamental rights, talisa reproductive rights nung lai ajang-ajanga nokdaksü, anungji la ya mezüja shimteta lir amai kumogo," ta California nungi Democratic Senator Alex Padilla-i ashi.

(Maneni tapak 8 nung...)

ICC-i tetsür T20 WC Bangladesh nungi belentsü asadanger

Luroi/August 6, 2024 (Agencies): Bangladesh nung nüburtemi sorkar anema longkak aitba aser yimden yimsüsüba tashi meiti akümba mapang ka nung International Cricket Council (ICC)-i taküm tetsür T20 World Cup Bangladesh nung asayatsü aliba tanga tesem kati belener aotsü asadanger.

Asayamung atema UAE, Sri Lanka, aser India asadanger. Bangladesh nung mepetmesü tulu adoka PM Sheikh Hasina mapa nungi anenba sülen tang iba jenjang ya agiogo.

Taküm küm tetsür T20 World Cup ya October 3 nungi 20 tashi asayatsü. Iba asayamung ya kecha tetsükdaktsü makai asayatetsü

atema ICC-i tanga tesem ka asoshi tang inyaktepdar. ICC ketdangsür kati ashiba agi, Bangladesh Cricket Board (BCB), local security agencies, aser independent security consultants den longjemer governing body-i Bangladesh nung tensa kanga junga asadanger.

“Bangladesh Cricket Board, parnok indang security agencies, aser onok indang independent security consultants den longjemer ICC-i terenloktem kanga junga asadanger. Onok atema mapa tongtibangtibaji asayamung nung shilem agirtem kümzüka toktsütsü atema lir,” ta ICC-i ashiba ESPNcricinfo sangdong ka ajanga metetdaktsü.

Australia, England, aser India densema asayamung nung shilem agitsü aliba linük sorkartemi lisopurtem dang Bangladesh mesemdangtsü atema tetuyuba agütsür lir.

Asayamung ayonga asayatsü atema India aser Sri Lanka na tapet asütsü, ajisüaka Sri Lanka nung October ita ya tzünglurowa asünung minprong atoktsü akok. Kasa mapang nung India nung asayara Pakistan nung asayatem atema visa angutsü tasak asütsü.

Taoba mapanga ICC-i 2021 küm COVID-19 wara poktetba ajanga tebur T20 World Cup India nung asayatsü aliba UAE aser Oman nati belener oa liasü.

Olympics: Vinesh semifinal aser Neeraj final-i iogo

Luroi/August 6, 2024 (Agencies): Paris Olympics nung Vinesh Phogat-i maneni kanga junga asaya-a Mongolbarnü 50kg Women’s Freestyle event nung Ukraine tsür reigning champion Oksana Livach koka semifinal tongtetogo.

Phogat-i la tajangshibatem aser tekümdang asayaba yimya kanga junga sayua asaya 7-5 agi koka liasü.

Tetenzük nungi tejangdak sür asayatsü tebilemba nung Phogat-i asaya tenzük aser yamaji la point 2 agi tejangdak aküm. Livach-i takok tashi point angutsü atema Phogat nongshia asaya saka lai süngjemshir kanga junga defend süa asaya aser asaya koka liasü. Asaya atemtsü second asem shi anunga lia Livach-i point ka angu saka iba dak alia point talila monguteti lai asaya 7-5 agi makok.

Kasa asayamung tebur javelin throw asaya nung taoba Olympics nung gold medal ngur aliba India nung asayar Neeraj Chopra-i mapang

mintoki qualifier nung nület 89.34m tsüa final tongtetogo.

Chopra ya qualification round nung group B nung liasü aser pai nület mezüngbuba atsüba mapang qualification mark 84m asazüktsür aliba dang nungi 5.34m agi talila tsüteta Paris nung pa indang title defend asütsü maongka ngutetogo.

Iba asaya nung ano India nung asayar Kishore Jena-a asaya ajisüaka pai nület 80.73m dang tsüteta final atema qualify mesütet.

Tokyo Games nung Chopra-i otsü tasen ka yanglua India nung asayatem rongnungi track and field event nung gold medal anguba mezüngbuba asayar aküm.

Pakistan nung Commonwealth Games champion Arshad Nadeem-a final atema qualify süogo. Pai nület 86.59m tsüa liasü.

Arishi küm 26 tain Chopra-i taoba küma world athletics championships nung gold medal ka nguogo aser tang asaya aliba asayamung nung takok tajung angutsü imlar.

West Ham-i Argentina nung asayar Rodriguez alizükogo



Guido Rodriguez

Luroi/August 6, 2024 (Agencies): West Ham United-i, Argentina nung midfielder Guido Rodriguez den free agent ka ama tenangzüktepba yangluogo.

Arishi küm 30 tain asayar ya La Liga club Real Betis den tenangzüktepba yanglur aliba tembangba sülen West Ham

nung denogo. Pa Real Betis nungi küm pezü ser tesadang asaya liasü.

Pa Argentina team nungia 30 ben asayar lir aser 2022 küm World Cup akokba team nung pa densema liasü aser iba den ano linük tenung nungi pai Copa America asayamung anaben tashi kokogo.

“Premier League nung asayatsü ya football asayatem ajak nukjidong ama bilemer aser West Ham puri ni alizüktsü tejangraba lir ta angashidang ni kanga pela liasü,” ta pai ashi.

“Iba club ya kanga nungtugu club ka aser parnoki jangrademtsü project aika benoka inyaker. Iba club ya ni atema tapet ta bilemer aser club den külemi renloka aotsü imla atar,” ta pai ashi.

Rodriguez shiba mezüngbuba River Plate nungi asaya liasü, pai ashiba agi, tenangzüktepba meyanglu tsüngda pai West Ham aser Mexico midfielder Edson Alvarez den sensaksema liasü. Tena ya Mexico nung Club America nunga külemi asaya liasü.

Manager asütsü Julen Lopetegui shimba sülen West Ham-i season tasenba atema pound million 100 dak tema intokogo.

Parnoki Leeds nungi Dutch nung forward Crysencio Summerville, Dortmund nungi Germany nung striker Niclas Fullkrug, Palmeiras nungi midfielder Luis Guilherme aser Wolves nungi defender Max Kilman alizükogo.

SA20 nung Karthik Paarl Royals nungi asayatsü



Karthik

Luroi/August 6, 2024 (Agencies): Taoba mapang wicketkeeper batter Karthik, tasembuba SA20 (South African cricket league) nung asayatsü atema Paarl Royals puri alizükogo.

Karthik ya iba asayamung nung shilem agitsü atema shimba India nung asayatem rongnungi mezüngbuba kümogo. Asayamung ya January 9 nü tenzüktsü.

Arishi küm 39 tain Karthik-i, pa cricket asaya format ajak nungi anenba taküm June ita sangdonga liasü.

Asaya nungi anenba sülen pa Indian Premier League (IPL) franchise Royal Challengers Bengaluru puri mentor aser batting coach asütsü shima liasü.

“Ni South Africa nung asayaba aser iba linük semdangba tajangshiba tajung aika lir aser iba maongka agütsüba ya sentoka metoktsütet, kechiyong meyipa arur competitive cricket aser

Royals den iba asayamung akoktsü koda jangrademtsüka asütsü,” ta Karthik-i ashi.

Karthik, shiba RCB atema tatemsa 2024 küm IPL nung asaya liasü, pai asaya 14 nung run 326 yanglu aser pa indang strike-rate 187.36 liasü. Pa taruba season atema Royals puri alizükogo.

Asayar tejen ya India tenung nungi tatemsa 2022 küm Australia nung T20 World Cup asayaba mapang Bangladesh den asaya nung shilem agia liasü.

Royals atema Director of Cricket Kumar Sangakkara-i, T20 format nung Dinesh Karthik indang experience ya team tajangzük atema amshitsü tejangraba aliba lemsatepogo.

Royals nung Karthik nungtugu asayar aika den asayatsü, kong captain David Miller, Joe Root, Lungi Ngidi, Andile Phehlukwayo, aser Kwena Maphaka nungera densema lir.

“Dinesh ya white-ball cricket nung India nung asayatem rongnungi tajungtiba rongnung ka lir aser pa tajangshibatem ajanga team kanga ajangzüktsü.

“League balala nung pa asayaba team tem asoshi pa kanga dang tongtibang asayar ka akümba kuli lir,” ta Sangakkara-i ashi.

BENDANGLI OSANG :

Tapak 7 nungi...

Telungpurtemi nongshiba Min Aung Hlaing-i...

“Northeast Command atsüngdaksüba ya army asoshi iba rara nung maksü tamakok tulutiba lir,” ta International Institute of Strategic Studies den Singapore nung amendaker aliba analyst Morgan Michaels-i ashi. “Lashio medeni army asoshi parnok indang tatembangbuba outposts kümzüka ayutsü asoshi kanga tasak asütsü,” ta Morgan-isa shisem.

MNDAA ya Three Brotherhood Alliance nung

shilem ka lir, kong TNLA aser Arakan Army densema lir, shirnok western Rakhine state nung military den rara arudar.

MNDAA-i July 25 nüa parnoki Northeast Command aser Lashio atsüngogo, ta ashi saka army-i maneni rara liasü.

Hombarnü Myanmar military council otongdar Major General Zaw Min Tun-i MRTV television ajanga, Northeast Command headquarters commanders den tongtepratep mesüteti kümogo, ta ashi.

Ajisüaka MNDAA-i iba base atsüngba dak sendakba nung kecha telangzüba magütsü.

Myanmar indang military kubok linük nung tesem balala nung regional commands 14 amenoka lir, aser regional commands 14 nungi 10 nung aliba sepaitem kin balala telungpurtem aser tawa tentetba telok PDFs den rara arudar.

Lashio HQ atsüngdaksüba ya regional command centre ka atsüngdaksüba mezüngbuba asütsü.

Kamala Harris-i Democratic...

Kamala Devi Harris ya Oakland, California nung October 20, 1964 küm breast cancer scientist Shyamala Gopalan-i aso. Kamala tetsü ya arishi küm 19 alidang India nungi arua ali aser Jamaica nung naturalized US citizen aser Stanford University emeritus professor Donald Harris den kibong akum. Kamala ya Bay Area nung prosecutor ka ama küm aika inyaker 2010 küm state indang attorney general

mendeni ajungket aser 2016 küm US senator ama election nung shima liasü.

Trump kümsük tetenzüklen Harris ya Washington-i senator ka ama aru aser Judiciary Committee nung züngsem akumba ajanga linüki kanga jangja meteta akum.

Harris-i tenangzükba aika bener 2020 presidential campaign tenzük lai ki aliba jila nung nübuyim tenzük dang nisung 20,000 dak tema arua dena liasü. Ajisüaka lar

campaign ajanga sen pera mebendenteti anentsüsa akum. Ajisüaka Biden-i vice president atema la shima liasü.

July 21 nü Biden-i November ita US tir election nung metokteptsü ta sangdongba sülen pai idangjisa Harris yaritsü sangdong. Ajisür hopta ana tsüngta Democrats tem tejangraba balaka kuma senotsü tenla agütsür aser volunteer timba akum.

BILEM DANGANG

“Shisakar den mapang intokra shisa taka akümtsü.”